

*Creation du ciel & de la terre, & de tout ce qui y est compris. De la lumiere aussi, & de l'homme, Auquel tout est assuietti. Dieu benit toutes ses œuvres, qu'il a accomplies en six iours.*

I

Dieu<sup>a</sup> crea<sup>b</sup> au commencement<sup>c</sup> le ciel & la terre.

2 Or la terre estoit sans forme, & vuide, & les tenebres estoient sur les abysses : & l'Esprit de Dieu<sup>d</sup> estoit espendu par dessus les eaux.

3 Adonc Dieu dît, <sup>1</sup> Qu'il y ait lumiere. <sup>e</sup> Et la lumiere fut.

4 Et Dieu vid q̄ la lumiere estoit bonne : & separa la lumiere des tenebres.

5 Et Dieu appela la lumiere iour, & les tenebres nuit. Lors fut fait le soir & le matin du premier iour.

6 ¶ Puis Dieu dît, Qu'il y ait vne estendue entre les eaux, & qu'elle separe les eaux d'avec les eaux.

7 Dieu donc fit l'estendue, & diuisa les eaux, qui estoient sous l'estendue, d'avec celles, qui estoient sur l'estendue. Et fut ainsi fait.

8 Et Dieu appela l'estendue, Ciel. Lors fut fait le soir & le matin du second iour.

9 ¶ Puis Dieu dît, <sup>2</sup> Que les eaux, qui sont sous le ciel, soient assemblees en vn lieu, & que le sec apparaisse. Et fut ainsi fait.

10 Et Dieu appela le sec, Terre, & l'assemblee des eaux, mers. Et Dieu vid que cela estoit bon.

11 Et Dieu dît, Que la terre produise verdure, herbe produisant semence, & arbre fruitier, faisant fruit selon son espece, lequel ait sa semence en soy-mesme sur la terre. Et fut ainsi fait.

12 La terre dōc produisit verdure, herbe produisant semence selon son espece, & arbre sans fruit, lequel auoit sa semence en soy-mesme selon son espece. Et Dieu vid que cela estoit bon.

13 Lors fut fait le soir & le matin du troisieme iour.

14 ¶ Apres Dieu dît, Qu'il y ait luminaires en l'estendue du ciel, pour separer la nuit du iour : & soient en signes, en

<sup>2</sup>Psaum.  
33.7

<sup>a</sup>Fit de rien, & sans aucune matiere.

<sup>b</sup>Tout premierement, & auit qu'il y auait

aucune creature

<sup>c</sup>Le ciel & la terre, les eaux, les abysses, se prennent ici pour vne mesme chose

<sup>d</sup>Ou, se mouuoit, C'est

<sup>1</sup>Tob 38.4

<sup>e</sup>Cette lumiere n'estoit point encore au soleil, car il n'auoit pas esté créé, mais estoit en la main de Dieu, ayat son ordre